

無上祕要卷之二十

仙歌品

十

靈網落天紀 九斗翠玉虛 紫蓋重霄嶺
 玄精明八岫 上有九晨賓 吟詠隱羽書
 飛步邀北漢 長齡天地居
 抗轡玄羽臺 飛行九元所 洞靈深幽邃
 雲網垂空舉 下有採真士 仰招玉晨旅
 三周陽明上 九迴入洞野 高步登帝尊
 長歌龍飛語
 玉霄睽北朔 瓊條翠隱阿 空生九靈臺
 煥精曜太霞 天關運重冥 劫會屢經過
 乘我羽行駕 飛步織女河 保靈去帝化
 永志天地多
 此三章出玉清上官九陽玉章九華玉女皆
 恒歌誦之於華晨之上和形魂之交暢啓靈
 真於幽闕凡修飛步七元行九星之道無此
 歌章皆不得妄上天網足躡玄斗
 右出洞真迴元九道經
 元始天王授南極司命君上階變化七十四
 方於雲房之內時三元監真上元无英帝君

歌上元洞門變真內章之曲其辭曰

三素流五雲 宛轉九領阿 朱靈啓碧室
 金輝煥東霞 三晨朗太虛 上清鬱嵯峨
 瓊門經曲宇 飛層乎參差 森此萬帝宮
 真真各有家 元氣本玄一 一變真孰多
 結號周百圍 儻化生根牙 散靈九度外
 飾容非朝華 因此萬劫庭 結秀億椿柯
 南極啓冥疇 妙挺拔世羅 冒禁不容隱
 輕蕙宮奈何
 中元黃老帝君歌中元洞化內真章曲曰
 落落三真布 分流九靈氣 玉虛列八座
 輪化无軌述 結號萬帝縱 運生有无際
 瓊宮森太霞 金鶴洞幽藹 玉臺霄上立
 流精曜紫蓋 皇人據靈墟 飛層茂霞太
 含真三丹府 散靈九真外 氣變无端緒
 儻忽應靈會 誰能測冥化 迴容反老艾
 南極襲冥風 故使結中帶
 下元白元帝君歌下元洞虛化真章曲曰
 嵯峨太霞闕 金門纏九重 丹暉曜瓊天
 飛霄鬱玄宮 神變无跡庭 真號有本蹤

散氣九靈戶 分為萬帝宮 帝帝各有鄉

真真各有方 寂寂生霞上 翳翳太虛中
 輪轉自有運 萬劫乃一終 洞化丹靈窟
 寥寥九玄通 冥思攝寂室 八景可飛空
 盤迴變化鄉 妙哉元始公 南極苦心發
 故能迴神峯 眇眇躡景遠 遂起萬仙宗
 右出洞真變化七十四方經
 高聖玉帝命上官玉女徐法容蕭惠忠田四
 非李雲門等彈雲鈞之琅合聲齊唱歌大洞
 高清真誠之章三塗五苦之詩其辭曰
 大洞總三倫 元化有无形 寂若无根教
 蕭若有威靈 哀哉三塗中 憂苦從是生
 至學順茲戒 精善窮劫齡 劫盡化生天
 身與日月并 愚癡隨世好 浮學以自榮
 宣化无網紀 輕漏天寶經 目科入死門
 四極結爾名 鬼神復九難 五苦長爾嬰
 食火踐刀山 艱辛无輕寧 歎此禍福原
 悠悠中甚明
 高上遺屢誠 禍福令人歎 仙道本由運
 冥中亦已判 无運亦不啓 既悟長苦最

若能嘗玄科 自然超霄漢 苟貪愛獄累 何為滛教說 居罪結四明 死鬼履九難 流曳五苦庭 三塗結不散 沉靈九幽下 萬劫无待旦 悲此元始教 能不使人惋 家家九玄上 賢賢初化始 无形亦无影 无深亦无淵 二儀啓運彰 結氣以成滓 三晨朗元室 五九有綱紀 禍福由人生 善惡竟孰在 若能悟玄教 超然凌高起 苟執代命斧 積累盈心地 沉罪結四明 宿罰良有已 生身負風刀 五苦無窮解 七祖填幽夜 萬劫方一紀 流連三塗中 未悟有生死

右出洞真四極明科

陽歌九章
控景緇玄階 澄真宴紫清 丹袂揮圓膏
龍帷登大明 解駕高空外 四老迴錦軒
萬仙朝帝房 香煙乘虛生 瑤臺列元人
金書期玉庭 携昇天上寢 飛華煥秀靈
體窮無算期 神濟億運寧 流液引明曜
方與日待傾

流風駕八軒 乘欵躬九垂 傾旂靈絕上 霞峯帶天彌 手携西皇真 玉晨為我師 仰翕瓊珠華 乃覺明關開 虎裙玉堂內 眇與兩景飛 結駕出九玄 金房蕭寥闌 龍軒乘三雲 神風扇飛煙 濯浪織女河 携宴高元真 併羅景曜儔 常為空中宿 徘徊二元際 內觀自纏綿 靈運九霞外 永保億萬椿 夕宿西華堂 朝朝扶桑公 家朗躬太虛 神塗无圓方 紫鬱總五雲 披霄躡靈風 迴軒窈窕丘 龍軒啓真皇 左錄廣腫賢 右命四海童 靈風唱金籥 神虎羅天鍾 常與玄景元 適遙晨霞中 騰旂扇廣寒 搖蕩魁宸宮 紫曜流景躍 九霞駕太空 朝入希林宇 夕宴丹微房 三氣合飛甍 重樞運神風 歌唱消魔篇 四座吟靈章 棲鎮宴藩外 宅形萬劫中 嗽嘈太微觀 後普九玄所 中有執寂賢 洞蕭靜冥處 西有六領師 尋暉與曉語 來非皇人賓 去非飛仙侶 我起騰羽蓋

徘徊清泠渚 豁虛八極上 高煙凌景舉 控飆適三天 長宴玄房永 北辰結朱館 凝峙九虛嶺 飛駕侍霞峯 龍裙拂高景 八風揚錦軒 六氣發玉井 暉赫圓輪煥 五霄賢耀晃 棲憇无終劫 虛響宜暇靜 策駕玄中漠 轡素扶希林 妙微混沌遶 長扇迴五煙 八景停玉輪 清軒覽明真 左躡飛行遊 右顧凌八天 洞豁登協晨 仰携皇中人 至暢玄理會 靈妙體神珍 朝宴南華門 夕拜玉晨庭 眇眇寂中駕 八景扇雲軒 玄臺結九霞 丹排落翠精 隱芝羅幽階 鳳腦曜五城 三元軒綠旂 終風揚威明 上迺空中仙 攝我朱火鈴 十絕命萬魔 永保順氣生 真人歌章太上四華宮中及玄關瑤臺閭風 玄丘房中神童神女所歌者亦以下教當得 道之人應為仙者使聞詠之

陰歌六章
飛飆沫玄濤 滄浪始暉崖 連波嶽嶽岑 瀾瀾邁九垂 起濯瀚津際 容與天刃溪

飛浪垂扶搖 雲水濯玄梯 汎然上華童
 晨遊四方臺 迴景太玄妃 携帶結纒彌
 應運乃高會 相命促中期 萬劫為一契
 千椿未始離
 命駕出三玄 汎零飛雲漢 賓皇大和庭
 鬱儀清虛觀 結璘絕煙際 尋暉七虛煥
 素教凌紫天 洞遊无名館 龍旂迴瓊輪
 四朗應景散 聊且期時通 温之至道且
 二玄絕嶠嶠 玉臺奇浪祭 九氣纏隱芝
 萬齡結翹蔓 寥寥太素景 靈暉曜晨漢
 足步二玄間 仰携圓精選 玉丹享神真
 年與无億算 時翳九靈室 動周二度變
 晨宴景陽宮 攀暉德所鍾 徘徊重玄巔
 翻翻降飛龍 齊驟八落外 高步闡闔房
 散風生丹室 雲合窈窕中 逸域研標子
 鍊素潛太空 長綽中有景 龍煙帶山容
 空絕廣寒宅 至靈道妙同 積靜玄八豁
 素阿蒙長通 我登陽家內 虛颯駕神風
 雲臺曜北玄 龍泉遠幽嶺 玉津迴冥瀾
 白華空洞頂 咀嚼龍房氣 神胎九天永

高玄定金書 二曜披霄穎 疑駕太漠內
 寂寥適長靜 西玄鬱絕根 高暉拂耀明 眇眇兀霞澄
 育光披浩清 房素重離裏 安妙寄蘭生
 命駕飛八景 扇集迴南傾 凌厲陽明上
 虎嘯八極城 萬里何云避 雙翅不藉靈
 高會有妙娛 端駕講所精 至道深朗豁
 智來温慧經
 太上真人八素靈陰三和歌曲六章以調紫
 皇玉妃玄鈞瓊笙安節之音矣
 右陰歌陽歌凡有一十五章太上玉晨大道
 君命太素真人中華公子太極紫陽公路虛
 成造以唱八素之真能恒諷詠者使人精魂
 合樂五神譜和萬邪不侵
 此歌曲之美是太極紫陽公陽歌九章以曜
 九晨之道陰歌六章以利六氣之精詠之者
 疑三神有之者除不祥
 右出太上真人八素陽歌九章
 正一真人告趙昇曰九天帝王命素女陰歌
 九章以和陽歌學士行道誦詠之

東遊蓬嶽標 西之九河津 飛光承虛上
 振聲光于天 棲態華林際 何憂不長年
 北遊遊海島 南適登林墟 重萌鬱以赫
 朱鳳引鳴雛 既忘榮耀契 何不寶仙居
 陰歌悲且吟 諷詠高仙子 放浪嵩嶽峯
 起虛登霄裏 詠歌八音停 揚妙隨風起
 徘徊清林中 仙賢相携時 清肅八音詠
 微風梵皇靈 開夜動哀唱 雙陰交來鳴
 織婦吐歸吟 悽切感思生 自非高仙子
 何由保賢真
 眇眇靈霄林 仙飛昇玄園 九五難常居
 八音何足慕 宮商五絃悲 須得九陽顯
 始聽孤魂悲 未樂幽玄戶
 玄梵飛虛上 璨璨引高靈 但患無志契
 不患心不精 既入空洞室 何憂道不成
 我我皇極觀 赫赫瓊林房 沅來飛霞照
 雙雙表玉容 飛鳳銜素籍 高唱怡元功
 遊景揚梵氣 飛歌停玉真 零陰歌誦妙
 西曲入二便 陽歌陰來和 雙儻何翩翩
 當寫榮耀旅 高仙結我親

逍遙遊何境 出入衆妙門 玉京灑蕙澤
金闕布洪恩 相隨龜山館 歌笑扶桑林
長樓太一宇 歸命禮三尊

右出三皇經

龍旂儻太虛 飛輪五嶽阿 所在皆逍遙
有感興冥歌 无待愈有待 相遇故得和
滄浪奚足遠 玄井不為多 鬱絕尋步間
俱會四海羅 豈若絕明外 三劫方一過
駕歛發西華 无待有待間 或聘五嶽峯
或躍天河津 釋輪尋虛舟 所在皆纏綿
芥子忽萬頃 中有蓬萊山 小大固无殊
遠近同一緣 彼作有待來 我作无待觀
九華安允歌 按真誥前音中使夫人歌
无待太无中 有待大有際 小大同一波
遠近齊一會 鳴絃玄霄顛 金蕭運八氣
奚不酣靈酒 眇目娛九裔 有无得玄運
二待亦相蓋

方諸青童君歌此太虛南岳真人歌

控颯扇太虛 八景飛高清 仰浮紫宸外
俯看絕落冥 玄心空洞間 上下弗流停

无待兩際中 有待无所營 體无則能死
體有則攝生 東賓會高唱 二待奚足爭
中候夫人歌 此紫元夫人歌

右出真迹經

蘭風扇綠輶 和聲理自招 靈雲蔚紫晨
所期貴遠邁 故能秀穎翹 翫彼八素翰
道成初不遠 人事胡可豫 使爾形氣消
南嶽夫人歌
四真人降南嶽夫人於是太極真人乃發扇
空之歌其辭曰
丹明煥上清 八風鼓太霞 迴我神霄輦
遠造玉嶺阿 吐嗟天地外 九圍皆吾家
上採日中精 下飲黃月華 靈觀空无中
鵬路无間邪 顧見魏賢安 濁氣傷爾和
懃研玄中思 道成更相過
次方諸青童又歌曰
太霞扇神暉 九氣无常形 玄轡飛霄外
八景乘高清 手把玉皇袂 携我晨中生
眇觀七曜房 朗朗亦冥冥 超哉魏氏子

有心復有情 玄挺自嘉會 金書東華名
賢安密所研 相期陽洛泝
次扶桑神王又歌曰
晨啓太帝堂 越起匏瓜水 碧海飛翠波
連岑亦嶽峙 浮輪雲濤際 九龍同纏起
虎旂鬱震津 靈風幡然理 華存又樂道
遂致高神擬 拔徙三綠外 感會乃方始
相期陽洛宮 道成携魏子
次清虛真人又歌曰
駕歛控清虛 徘徊西華館 瓊輪既晨杪
虎旂遂煙散 惠風振丹旂 明燭朗八煥
解襟墉房裏 神鈴鳴儔璫 棲景若林柯
九絃玄中彈 道我積世憂 釋此千年歎
怡盼无極已 終夜復待旦
又歌曰

紫霞儻玄空 神風无網鎖 歛然滿九區
晃爾豁虛靜 八窓无常朗 有冥亦有烟
洞觀三丹田 寂寂生形影 凝神泥丸內
紫房何蔚炳 太帝命我來 有以應神挺
相遇女弟女 雲姿車鐙整 媿夫郢石運

益彼自然頌 懸密攝生道 泄替結災音
靈期自有時 携袂乃俱騁

於是夫人受錫事畢王母及金闕聖君南極
元君後九微元君龜山王母三元夫人馮雙
禮朱紫陽左仙公石路成太極高仙伯延蓋

公子等爾乃靈酣終日講寂研无上真徊景
羽蓋參差各命侍女陳曲成之鈞金石揚響

衆聲紛亂鳳吹迴風鸞吟琳振九雲合節八
音零瓌於是白王母徘徊起立折腰俯唱錦
袂攝霄雲裙乘空流鈴煥射衽帶琳琅左佩

龍書右帶虎章澄形容窈窕四暢徐乃擊
節而歌曰

駕我八景輿 欽然入玉清 龍幡拂霄漢
虎旂攝朱兵 道遙玄津際 萬流無暫停
哀此去留會 劫盡天地傾 當尋无中景

不死亦不生 體彼自然道 寂觀合太冥
南嶽擬真幹 玉暎曜穎精 有任靡其事
虛心自受靈 嘉會絳阿內 相與樂未央

三元夫人馮雙禮珠紫陽彈雲徽而答歌曰
玉清出九天 神館飛霞外 霄臺煥嗟峨

靈夏秀騎蔚 五雲輿翠華 八風扇綠氣
仰吟消魔詠 俯研智典慧 萬真啓晨景

唱期絳房會 挺頤德音子 神暎乃高拂
天嶽凌空構 洞臺深幽邃 遊海悟井隘
履真覺世穢 儻輪冥重室 筌魚自然廢

迴我大椿羅 長謝朝生世
右出道迹經

高聖帝君以九玄建氣之始空靈分判上登
九層七暎朱官徘徊明霞之上蕭條九空之
中西妃擊節天女羅錦龍嘯虎吹鸞儻鳳鳴

四真合唱八音齊聲雲徽激朗頌駁三清
右出靈樂洞真七聖元紀經

上清西華紫妃及西王母乃各命侍女王廷
賢于廣暎等彈雲環之徽又命侍女安德音
范曲珠擊昆明之歪又命侍女左抱容韓龍

賓吹鳳鸞之簫又命侍女趙運子李慶玉拊
流金之石
右出大洞真經

南極夫人曰小方諸上仙人常多吹九靈簫
以自娛樂能吹者聞四十里簫有三十孔竹

長二三尺九簫同唱百歌林儻鳳鳥來和蕭
聲

西王母為茅盈作樂命侍女王上華彈八琅
之徽又命侍女董雙成吹雲和之笙又命侍

女石公子擊昆庭之金又命侍女許飛瓊敲
震靈之璜又命侍女琬絕青拊吾陵之石又

命侍女范成君拍洞陰之磬又命侍女段安
香作纏便之鈞於是衆聲徹合靈音駁空王
母命侍女于善賓李龍孫歌玄雲之曲其辭

曰
大象雖云寡 我把九天戶 披雲汎八景
儵忽適下土 大帝唱扶宮 何悟風塵苦

太真王夫人時自彈琴琴有一絃而五音並
奏高朗響激聞于數里衆鳥皆聚集於岫室
之間徘徊飛翔驅之不去殆天人之樂自然

之妙音
四真降南嶽夫人靜室乃延引夫人問以曲

狹世間之業女典之法雖曰高神无不該覽
於是言宴粗悉四真吟唱太極真人乃先命

北寒玉女宋德消彈九氣之徽

方諸青童又命東華玉女煙景珠擊西盈之鐘

扶桑暘谷神王又命雲林玉女質屈庭吹鳳

唳之簫清虛真人又命飛玄玉女鮮于靈金

拊九合玉節

太上道君清齋持誠於西那玉國鬱察山浮

羅之嶽

元始天尊乘八景玉輿三素飛雲瓊輪羽蓋

五色華光神風玄鼓迴儻旒蓋瓊林振響玉

支激籟雲歌空奏鳳鳴玄天鈞洞響衆音

亂會神妃合唱群仙容裔又命西華金靈上

官飛玄玉女景皇真人彈五合之琴景龍雲

璈吹九鳳之簫鼓神州之笙諸天各奏神龍

伎樂无執數衆

右出洞玄空洞靈章

無上秘要卷之二十

無上秘要卷之二十一

仙都宮室品

大羅天宮臺 七寶玄臺

右在大羅天中玉京山上大劫周時三洞神

經並在其中災所不及

通真房

右皇崖天中內音書於其內

始陽臺

右既樂天中內音書於其上

上上天宮 靈都宮 元陽紫微臺

右在上上三天五老尊神諸天帝皇妙行真

人歲六會於其上集算天元推校運度

右出洞玄經

九天宮 大有宮

右宮內有上清寶經三百卷玉訣九千篇符

圖七千章秘於其所

九宮

右宮中有神謂之天皇九神各治一宮

玄靈臺 玉房

右五老寶經及十二願玄母八簡三十九章

猶一

經藏於其內

金臺 玉室 素靈房

右三九素語玄丹上化三真洞玄之道藏於

其內

靈都宮 金房 曲室

右太微天帝君秘心丹上仙文之所元始五

老又秘五篇真文於其內

金臺 玉室 九曲丹房

右高上藏三元玉檢三元布經於其內

五靈玉都 金華紫房

右五老秘文藏於其內

无執玄臺

右鬱單无量天王治於其內

玉國珠林 七寶瓊臺

右太上禪善天王治於其內

玉京靈都宮

右須延天王治於其內

朱宮瓊臺

右寂然天王治於其內

元映丹宮 九層玉臺